

KOMISIJA ZA TUMAČENJE KOLEKTIVNOG UGOVORA ZA DJELATNOST SREDNJEG OBRAZOVANJA U KANTONU SARAJEVO ("Službene novine Kantona Sarajevo"38/22)

Na osnovu člana 174. Kolektivnog ugovora za djelatnost srednjeg obrazovanja u Kantonu Sarajevo („Službene novine Kantona Sarajevo, broj: 38/22), u daljem tekstu: Kolektivni ugovor, Komisija za tumačenje Kolektivnog ugovora za djelatnost srednjeg obrazovanja u Kantonu Sarajevo na 16. sjednici održanoj 29.05.2023. godine razmatrala je Zahtjev podnesen od strane Nermine Usejnovski MA, zaprimljen pod brojem: 11-02-21254, sa upitom koji glasi,

Obraćam vam se ovom molbom za tumačenje člana 111. stav (1), tačke e) Kolektivnog ugovora za djelatnost srednjeg obrazovanja u Kantonu Sarajevu (Službene novine Kantona Sarajevo, broj: 38/22) koji glasi:

e) kada radnik, koji je u stalnom radnom odnosu na neodređeno vrijeme, želi zamijeniti radno mjesto i zaključiti ugovor o radu na upražnjeno radno mjesto u drugoj ustanovi (javna ustanova predškolskog odgoja, ustanova osnovnog odgoja i obrazovanja, ustanova za odgoj i obrazovanje učenika s teškoćama, dom učenika i srednja škola). U tom slučaju ustanova u kojoj postoji upražnjeno radno mjesto je obavezna prethodno pribaviti mišljenje predsjednika sindikalne organizacije i pisanu saglasnost Ministra na osnovu koje će ta ustanova zaključiti ugovor o radu s radnikom na neodređeno vrijeme.

Molim vas da se pri tumačenju vodite sljedećim pitanjima:

1. Da li mišljenje, koje je obavezna pribaviti ustanova u kojoj postoji upražnjeno radno mjesto, daje isključivo predsjednik sindikalne organizacije? Da li imaju pravo glasa svi članovi sindikalne organizacije?
2. Da li mišljenje predsjednika sindikalne organizacije mora biti temeljeno na objektivnim argumentima, ili predsjednik sindikalne organizacije može mišljenje temeljiti na svojim željama i stavovima?
3. Da li direktor/direktorica škole u kojoj postoji upražnjeno radno mjesto može zatražiti od Ministarstva saglasnost i na osnovu nje zaključiti ugovor s radnikom na neodređeno vrijeme, ako smatra zahtjev radnika opravdanim, bez obzira na to da li je mišljenje predsjednika sindikalne organizacije pozitivno ili negativno?

Komisija je donijela sljedeće tumačenje:

Predsjednik sindikalne organizacije je autonoman u svom radu i prema ovlastima iz člana 111. stav (1) tačka e) sam odlučuje da li će mišljenje donijeti samostalno ili uz konsultacije onih koje predstavlja.

Odredbe Kolektivnog ugovora ne mogu spriječiti radnje direktora, u konkretnom slučaju korespondencije sa drugim pravnim licima, koje su mu kao rukovodnom organu škole zakonski propisane.

Lamija Husić

Sadeta Selimović

Admir Šuvalić

Sadat Kovačević

Dostavljeno:

1. Nermine Usejnovski, Bosanskih gazija 61 Ilidža,
2. Ministarstvo za odgoj i obrazovanje Kantona Sarajevo,
3. SSVOONK BiH Kantonalni odbor Kantona Sarajevo,
4. Komisiji 4x
5. A/a